

জলে ও আগুনে

তোমাকে সরিয়ে রাখি চালডাল থেকে
তবু কেন ফিরে আসো ক্ষুধায় তৃষ্ণায়
সামান্য জীবনে কেন ব্রহ্মাঙ্গির শিখা
কামিনী কাঞ্চনে আছি ঘোর অনিশ্চয়

শরীরে আগুন থাকে কাঠে আরো বেশি
জলে নেভে সব দাহ গার্হস্থ্যের দাগ
অভ্যাস ক্লান্তির পরে তুমি বৃষ্টিধারা
তবুও অস্পষ্ট থাকে সত্য পরিচয়

আবার শহর গ্রাম আলো করে তুমি
বৃষ্টিশেষে ফিরে আসো জ্যোৎস্নার ডানায়
নীর শরীর থেকে অন্য এক গান
তোমাকে ছোঁবার জন্য ঐরিক হয়

এভাবে সম্পর্ক বাড়ে তোমার আমার
জলে ও আগুনে চলে বিরহ প্রণয়।

বাসুদেব দেব

